

CHRISTO-  
PHORI BE-  
SOLDI,

J.C. Auctoris Damiani

*Delibata Juris*

CONTINENTIA

congeriem, succinctamq; resolutio-

nem præcipuarum Quæstionumquæ

in X. prioribus Pandectarum Li-

bris occurrunt:

*Quarum Elenchus ad finem  
est subjunctus.*



*num. 43. cap. 8.*

*num. 36.*

T U B I N G E,

Typis PHILIBERTI BRUNNII,

ANNO MDCXXVII.



## 1. Commendatio & necessitas Iurisprudentia

**I**MPERII NECESSITATEM, PLURIBUS deduxi in *dissert. Philologica, de præcognitis politices, cap. 5.* Cùm autem Respublica, absque Iurisprudentiâ, arteq; Iuris, nequeat commodè administrari: sequitur sanè, ejus dignitatem maximam esse. Olim, & rudi adhuc mundi seculo, Imperantes Regiâ manu, cuncta gubernarunt, Justinus *lib. 1.* Ita & Pompon. ait: Initio Civitatis nostræ, Populus sine lege certâ, sine jure certo agere instituit, omniaque manu à Regibus gubernabantur, *l. 2. d. orig. Jur. §. 1.* Sed verò existere leges certas, convenit omnino. Et seculis ferè cunctis, jure scripto, atque sancito, Imperia gubernata fuerunt. Ego in *dissert. d. præm. pænis & lib. c. 6.* Leges autem, & Jus certum, Jurisperitos, artemq; Iuris præsupponunt. His legibus latis, inquit Pompon. *d. l. 2. §. 5. & 6.* cœpit ut naturaliter evenire solet, ut interpretatio desideraret necessariam disputationem fori. Idq; prudentium auctoritate: Id est, adhibitis in eam rem, non quibuscunque, sed peritis Iuris. Ac addit: Hæc disputatione, & hoc jus, compositum à prudentibus, communi nomine adpellatur Jus civile. Et scribit porrò: Deindè ex his legibus, eodem tempore ferè, Actiones compositæ sunt, quibus inter se homines disceptarent: quas actiones, ne Populus prout vellet, institueret; certas, sollemnesq; esse voluerunt.

Sanè, neque Leges neque Senatusconsulta, ita scribi possunt, ut omnes casus, qui quandoq; inciderint complectantur. Non possunt omnes articuli singillatim, aut Legibus, aut Senatusconsultis comprehendi. Et idè de his, quæ primò constituuntur, aut Interpretatione, aut Constitutione